



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-11-3-4435-12/22

Datum: 27.01.2023.godine

Na osnovu člana 70. stav 1. a u vezi sa članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Općinski načelnik, donosi:

**ODLUKU**

poništenju postupka javne nabavke

**I**

Poništava se postupak javne nabavke radova, "Izgradnja novog objekta JU Centar za socijalni rad Tešanj – III faza", koji je objavljen na Portalu javnih nabavki dana 08.12.2022.godine pod brojem: broj: 375-1-3-270-3-93/22, obavještenje o nabavci objavljeno u sl.glasniku BiH broj:82/22 dana 16.12.2022.godine pod brojem:sl-31256-22.

**II**

Ova Odluka stupa na snagu danom donošenja i dostavlja se ponuđaču INTER doo Tešanj koji je učestvovao u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj, [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke radova, "Izgradnja novog objekta JU Centar za socijalni rad Tešanj – III faza", pokrenut je Odlukom o pokretanju postupka broj:02-11-3-4435-2/22 od 07.12.2022.godine. Odabran je otvoreni postupak, koji je objavljen na Portalu javnih nabavki dana 08.12.2022.godine pod brojem: broj: 375-1-3-270-3-93/22, obavještenje o nabavci objavljeno u sl.glasniku BiH broj:82/22 dana 16.12.2022.godine pod brojem:sl-31256-22, procijenjena vrijednost javne nabavke bez PDV-a je 247.863,25KM a kriterij za dodjelu ugovora je najniža cijena.

U ostavljenom roku za dostavu ponuda pristigla je 1 (jedna) ponuda i to ponuda ELEZ CONSTRUCTION doo Tešanj.

Komisija za javne nabavke imenovana rješenjem Općinskog Načelnika broj: 02-11-3-4435-4/22 od 27.12.2022.godine izvršila je dana 09.01.2023.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o prijemu pnuda prosljedila elektronski ponuđaču.

Komisija je na zatvorenoj sjednici izvršila provjeru formalne ispravnosti sadržaja pristigle ponude, te ustanovila da je pristigla ponuda formalno ispravna, sa ponuđenom cijenom bez PDV-a od 260.032,40KM te kako je prispjela samo jedna ponuda nisu se ispunili uslovi za provođenje E-aukcije koja je bila predviđena tačkom 5.1. Tenderske dokumentacije.

Kako je ponuđena cijena bez PDV-a veća za 4,9% u odnosu na procijenjene vrijednosti javne nabavke nadležna služba je od menadžera projekta prije donošenja konačne odluke Komisije u predmetnoj nabavci zatražila aktom od 13.01.2023.godine da izvrši provjeru tržišta odnosno analizu cijena predmetne ponude u odnosu na stanje cijena na tržištu ili poređenjem istih sa cijenama iz ranije potpisanih ugovora za ove vrste radova. Iz akta nadležne službe od 19.01.2023.godine vidljivo je da je menadžer projekta izvršio analizu i poređenje cijena predmetne ponude, te konstatovao da je od pripreme javne nabavke i dostave ponude prošao vremenski period oko 30-40 dana te da je taj period vremena mogao uticati na promjenu cijene u odnosu na planiranu a pretpostavlja takođe da i sama

odluka da se u konkretnom predmetu ide na postupak e-aukcije je kod ponuđača u ponudi dovela do možda nešto više ponuđene cijene u odnosu na cijene na tržištu.

Takođe je nadležna služba od odjeljenja za finansije zatražila podatak da li ugovorni organ ima finansijsku mogućnost namirenja nedostajućih sredstava u predmetnoj nabavci, te je aktom od 26.01.2023.godine obaviještena da za realizaciju ovog projekta i započetu javnu nabavku nedostaju sredstva koja nisu obezbijeđena u općinskom budžetu za 2022. godinu.

Zapisnikom o pregledu i ocjeni ponuda broj:02-11-3-4435-11/22 od 26.01.2023.godine Komisija je u skladu sa članom 69. stav 2. tačka e) Zakona o javnim nabavkama ("Službeni glasnik BiH", broj: 39/14 i 59/22) preporučila ugovornom organu da poništi postupak javne nabavke radova "Izgradnja novog objekta JU Centar za socijalni rad Tešanj – III faza", jer je cijena ponude ponuđača ELEZ CONSTRUCTION doo Tešanj znatno veća od osiguranih sredstava za predmetnu nabavku, naime procijenjena vrijednost javne nabavke bez PDV-a a samim tim i osigurana sredstva za istu su 247.863,25KM, cijena ponude ELEZ CONSTRUCTION doo Tešanj bez PDV-a iznosi 260.032,40KM, što je 4,9% više od planiranih sredstava za predmetnu nabavku, a a razlike sredstava nema planirane u budžetu za 2022.godinu.

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva jer je cijena ponude znatno veće od osiguranih sredstava za predmetnu nabavku, to je primjenom člana 69. stav 1. tačka b) i stav 2. tačka e). Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odlučeno kao u dispozitivu ove Odluke.

**Pouka o pravnom lijeku:** Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

#### DOSTAVLJENO:

1. ELEZ CONSTRUCTION doo Tešanj,
2. Služba za društvene djelatnosti i investicije,
3. Služba za finansije, privredu, komunalne i inspeksijske poslove-računovodstvo,
4. Web stranica Općine Tešanj, elektronski
5. Predmet.

*Handwritten signature*

